

貨人之所大欲也聖人不欲之者蓋以外物有執則有夫不欲之則不被外物所誘也不學人之所學眾人務學其事益其見聞求於外以喪其內眾人之過也聖人以無學爲學而無所不知以復眾之過也慎終如始無執無爲佐理萬物以任其自然不敢強爲之也

古之善爲士章第六十五

古之善爲士者非以明民將以愚之民之難治以其智多以智治國國之賊不以智治國國之福此兩者亦楷式常知楷式是謂立德立德深矣遠矣與物反矣然後乃至大順

古之善治國者不以昭昭之明察察之智以示其民但敦樸

道藏輯要

道德下經釋辭

李

心集九  
×××

其風淳厚其俗而教養之則民亦怡怡其心熙熙其志無願無慕以安其分則上下同德以洽雍熙之化也民之難治者良由在上之人任智術尚權力民心懷疑是以難治也孟子曰所惡於智者爲其鑿也治國者若以私智治民則民亦以私智奉上上下相窺各求其利國之賊也不任智術惟以道德撫民則民亦感化而懷其德上下攸安國之福也夫用智則民亂不用智則民安此兩者大中正之法式也常守其法而不失其德立矣而播於遐方自然近悅遠來而歸化也噫眾人以私智自利聖人以大智利人與人相反然後始知聖人爲無我故可以造乎正大和順之域而爲民之司牧古

善士之風也

江海所以爲章第六十六

江海所以爲百谷王者以其善下之故能爲百谷王是以聖人欲上民以言下之欲先民以言後之是以處上而民不重處前而民不害是以天下樂推而不厭以其不爭故天下莫能與之爭

江海處低安下寬大能容是以百川之水皆歸之故云百谷王也聖人治大國處民上而言下者蓋以聖人謙虛恬淡寬大能容故天下推尊也居民先而言後者言聖人退遜不爭先人後已故天下樂讓也雖然處於萬民之上虛心順理無

道藏輯要

道德下經釋辭

空

心集九  
九〇二

作無爲雖有賦役亦不重也坐於萬民之前省刑息事視民如傷雖有訟獄無大害也是以天下之民懷聖人寬大之量慈祥之仁莫不鼓舞踴躍樂而推戴之願其爲主事之而不厭者蓋以聖人退怯無欲外順中虛是以天下莫能與之爭也如舜居陶濱三年成邑五年成都行者讓路耕者讓畔湯居亳文王之在岐山是也

天下皆謂章第六十七

天下皆謂我大似不肖夫惟大故似不肖若肖久矣其細也夫我有三寶寶而持之一曰慈二曰儉三曰不敢爲天下先夫慈故能勇儉故能廣不敢爲天下先故能成器長今捨慈且勇捨